



# Vedtekter for kyrkjegardane i Sauda kommune

Jfr. lov av 7. juni 1996 nr 32 om kirkegårder, kremasjon og gravferd § 21.

Vedteke i Sauda Sokneråd 15. februar 2005. Fellesrådssak 07/05

Innarbeid merknader frå Kirkegårdskonsulenten 16. mars 2005

Godkjent av Stavanger Bispedømmeråd 14. april 2005.

Endra og godkjent av Stavanger Bispedømmeråd 13. desember 2011

## § 1 Tilsyn med kyrkjegardane

Sauda Sokneråd er i følge lov pålagt ansvaret for kyrkjegardane. Kyrkjeverja administrerer og fører tilsyn med kyrkjegardane etter gjeldande regler og forskrifter.

## § 2 Kyrkjegardstilhøyring

Avlidne personar med adresse i kommunen, har rett til fri grav i Sauda. Dette gjeld og om den avlidne på grunn av sjukdom eller alderdom har budd i eit anna sokn eller i ei anna kommune mot slutten av livet.

## § 3 Fredningstid

Fredningstid for kistegraver er 20 år.

Fredningstid for urnegraver er 20 år.

## § 4 Feste av grav

Når kistegrav vert teke i bruk, er det høve til å feste ei grav ved sida av, og etter godkjenning frå kyrkjeleg fellesråd ei ekstra grav i tillegg når det er bruk for det. Desse gravene utgjer då ein gravstad.

Ved bruk av urnegrav kan ein ikkje festa grav ved sida av.

For festa graver er det betalt fastsett avgift, for gravstader vert det betalt for antall graver i gravstaden. Det er gravfestars plikt å sjå til at festeavgift betalast fortløpande, etter krav komen frå kyrkjeverga

Er festet ikkje fornya innan 6 månader, fell gravstaden tilbake til kyrkjegarden.

Når festetida er ute, kan gravstaden festast for nye periode. Når det er gått 60 år etter siste gravlegging, kan festet ikkje fornyast utan særskilt samtykke frå kyrkjeleg fellesråd. I god tid før festetida er ute skal festaren varslast.

Ingen kan gravleggjast i grav utan samtykke frå festaren. Dersom festaren sitt samtykkje ikkje kan innhentast, kan kyrkjeleg fellesråd avgjere spørsmålet om gravlegging.

Festar pliktar å melde frå om endring av adresse.

## § 5 Tilvising av nye graver

Fram til 30. september 2016 vert det ikkje tilvist nye graver på Sauda kyrkjegard og på Solbrekk gravlund med unntak av barnegraver. I denne tida vert alle nye graver vist til Gunnarsmoen gravlund og Saudasjøen gravlund.

## § 6 Grav og gravminne

Ved opning av grav kan jord leggjast på omkringliggjande graver og utstyr på desse kan for ei tid takast bort.

Kyrkjegardsbetjeninga vil syte for planering og tilsåing av grava etter gravlegging. Montering av gravminne kan tidlegast skje 3 månader etter gravlegging av kiste. Til gravminne vert montert settast det opp eit merke med namnet til den avlidne.

På ny festa grav set ein opp gravminne i bakkant av den grava som er teke i bruk.

Gravminnet kan sentrerast på gravstaden etter neste gravlegging, dersom det er ein gravstad med fleire enn ei grav.

Festaren har ansvar for at gravminnet er forsvarleg sikra og vedlikehalde.

## § 7 Plantefelt

Framfor gravminnet er det høve til å opparbeide eit plantefelt i høgde med bakken rundt. Det må ikkje vere breiare enn breidda på gravminnet, men kan i alle høve vera opp til 60 cm breitt. Det kan ikkje stikke lenger fram enn 65 cm, målt frå bakkanten av gravminnet. Det kan ikkje plantast vokstrar som er høgare enn gravminnet eller går ut over plantefeltet.

Kantstein omkring plantefelt, dvs. minst tre rette steinstykke som legges/blir sett ned på tre sider av plantefeltet eller liggjande plate framføre gravminnet, skal flukte med terrenget omkring.

I fallande terreng trappast kantstein og plate i forhold til gravminne sitt fundament. Plate og fundament skal ikkje vera same stykke.

Heil eller delt plate, med eller utan hull til planter, skal leggjast i drenerande masse og vere 5 – 15 cm tjukt. Avstand frå plantehull til ytterkant av plate skal vere minst 8 cm.

Heil eller delt plate, skal ha same lengde som gravminne sitt fundament og breidde inntil 65 cm, målt frå fundamentet sin bakkant.

Ved montering av heil eller delt plate med eller utan hull til planter, har eigar ansvaret for skader som vert påført gjennom vanleg drift og vedlikehald på kyrkjegarden. Lykter, vasar og liknande må ikkje settast utanfor plantefeltet. Kyrkjegardsmyndigheitene har ikkje ansvaret for at slike vert skadd, og dei kan bli fjerna. Det skal ikkje nyttast materiell av glass eller liknande som kan knusast.

Dersom det ikkje er aktuelt med plantefelt eller steinplate, skal det være grasbakke på alle sider av gravminnet.

### **§ 8 Plantetilfang**

Planter, kransar og liknande tilfang som vert nytta ved gravferd eller ved pynting av grav og som endar som avfall skal være helt komposterbart.

### **§ 9 Stell av grav**

Den som er ansvarleg for fri grav eller er festar for grav har rett og plikt til å stelle den grava han har ansvaret for. Plantefelt som ikkje vert tilplanta eller dekkja av ei steinplate, skal tilsåast av den ansvarlege eller av kyrkjegardsbetjeninga.

Kyrkjevevja kan syte for årleg planting og stell av grav mot forskotsbetaling. Souda Sokneråd fastsett den årlege prisen for gravstell, planter og administrasjon.

### **§ 10 Gravfond**

Mot innbetaling av ein bestemt sum til eit gravfond, vil soknerådet overta ansvar for planting og stell av gravstaden. Gravfonda vert forvalta av kyrkjevevja. Den innbetalte summen med tillegg av renter skal dekkje utgiftene til vanleg planting og stell av gravstaden i ei fastsett tid. Det skal i kvart einskild høve opprettast fondavtale.

Gravfondet kan ikkje opprettast slik at det varer lenger en den fredingstida eller festetida som ligg framføre. Dersom det oppstår slike økonomiske forhold i fondtida at midlane ikkje rekk til, skal kyrkjevevja gi meldig om dette til den som er ansvarleg eller festaren. Det er da høve til å auke fondet slik at det rekk tida ut. Vert det ikkje auka, vil stellet av grava ta slutt når midlane er brukt opp.

Dersom det er midlar att av fondet når tida er ute, kan dei brukast av kyrkjeleg fellesråd til å gjere kyrkjegarden vakrare. Gravfonda vert forvalta i fellesskap, men kyrkjevevja fører ein eigen rekneskap for kvart fond som vert revidert årleg. Provisjon for administrasjon og revisjon av fondsmidlane belastas fondskonto årleg.

### **§ 11 Bårerom**

Soknerådet disponerer bårerom. Slike rom skal berre nyttast til å ta vare på avlidne i tida fram til gravferda. Ingen har tilgjenge utan etter løyve. Liksyning kan berre gjerast etter samtykkje frå den som syter for gravferda.

### **§ 12 Næringsverksemd**

Næringsdrivande som ønskjer å drive verksemd på kyrkjegardane skal ha løyve frå kyrkjeleg fellesråd. Løyve kan tilbakekallast dersom vedkomande ikkje rettar seg etter dei reglar som gjeld. Slik verksemd kan berre omfatte montering og vedlikehald av gravminne og planting og stell av graver.

Tilsette i kyrkja og drifts- og vedlikehaldspersonell på kyrkjegardar kan ikkje mot godtgjering utføre tenester for private næringsdrivande. Dei kan heller ikkje engasjere seg i sal av varer eller tenester som har med kyrkjegarden å gjere.

*Souda Sokneråd, Kyrkjevevja*